

air son nan tarbh, air son nan reitheachan, agus air son nan uan, a réir an àireimh, a réir a' ghnàtha:

31 Agus aon bhoc-gaibhre *chum* iobairt - pheacaidh, a thuilleadh air an iobairt-loisgte ghnàthaichte, a tabhartas-bìdh, agus a tabhartas-dìbhe.

32 Agus air an t-seachdamh là seachd tairbh, dà reithe, agus ceithir uain deug do'n cheud bhliadhna gun ghaoid:

33 Agus *bithidh* an tabhartas-bìdh, agus an tabhartasan-dìbhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha:

34 Agus aon bhoc-gaibhre *chum* iobairt - pheacaidh, a thuilleadh air an iobairt-loisgte ghnàthaichte, a tabhartas-bìdh, agus a tabhartas-dìbhe.

35 Agus air an ochdamh là *bithidh* ard choi'-thional agaibh: obair thràilleil sam bith cha dean sibh air.

36 Ach bheir sibh seachad *chum* iobairt - loisgte, iobairt a bheirear suas le teine dh'fhàile càbhraidh do'n Tighearna; aon tarbh, aon reithe, seachd uain do'n cheud bhliadhna gun ghaoid:

37 *Bithidh* an tabhartas-bìdh agus an tabhartasan-dìbhe, air son an tairbh, air son an reithe, agus air son nan uan, a réir an àireimh, a réir a' ghnàtha:

38 Agus aon bhoc-gaibhre *chum* iobairt - pheacaidh, a thuilleadh air an iobairt - loisgte ghnàthaichte, agus a tabhartas-bìdh, agus a tabhartas-dìbhe.

39 Na *nithe* sin ni sibh do'n Tighearna 'nar féisdibh fuidhichte^a, thuilleadh air bhur bòidibh, agus bhur tabhartasan saor-thoile, air son bhur n-iobairtean-loisgte, agus air son bhur tabhartasan-bìdh, agus air son bhur tabhartasan-dìbhe, agus air son bhur tabhartasan-sìth.

40 Agus dh'innis Maois do chloinn Israeil a réir gach ni a dh'aithn an Tighearna do Mhaois.

C A I B. XXX.

A G U S labhair Maois re ceannardan nan treubh a thaobh chloinn Israeil^b, ag ràdh, Is e so an ni a dh'aithn an Tighearna.

2 Ma bhòidicheas duine bòid do'n Tighearna, no ma mhionnaicheas e mionnan a cheangal anma le ceangal^c, cha bhris^d e fhocal; a réir gach ni a thig a mach as a bheul, ni e.

3 Mar an ceudna ma bhòidicheas bean bòid do'n Tighearna, agus gu'n ceangail si i *féin* le ceangal, agus i ann an tigh a h-athar 'na h-òige;

4 Agus gu'n cluinn a h-athair a bòid, agus a ceangal leis an do cheangail i h-anam, agus gu'm fan a h-athair 'na thofdria, 'an sin seasaidh a bòidean uile, agus seasaidh gach ceangal leis an do cheangail i h-anam.

5 Ach ma chuireas a h-athair 'na h-aghaidh 'an là anns an cluinn e; cha seas aon d'a bòidibh no d'a ceanglaichibh leis an do cheangail i h-anam; agus mathaidh an Tighearna dh'i, a chionn

^a ordùichte. ^b cinn-sheadhna threabh chloinn Israeil. ^c le cu' b' reacha-
bòlan. ^d truail.